



Tuniyauvia Ublua: Niqiliqivik 2007	Titiratqiktauviat Uplua: Tattiarnaqtuq 1, 2021	Havaaluagiyaat Havakvik: Havakvik tapfumuna Maniktigut Tamaini/Manikhakhautikhanik Aulapkainiit	Tiliurut Nappaa: 820-1
Nakataa: Munaqhiyut Akiliqtaghanik			
Maliktaghat Atia: HAVAGIAQHUTIK AULLAAQTUT			

1. ATUGAKHAQ

Inuulikiyiit havaktiit akiliuhiaruutigihunguyain ihuinakhimagaluaqlutik akiliktupparaini aullakhimavaktilugu havaaminun akilikgiaqaqtuqhautinik ihuaqhakhimayaini Uiuqaqani A hafumani atuqyauyunik.

Nunalaani havaktiuyut aulaaqyauhimayun tapkunga Nunavut Kavamatkungit talvuna angigiikhimayunik pinnahuarutinut ilaudjuutigitaqtuut havaktinik uuktuqtuq havakhautikhamik, nalliak ilauyuumabluni katimayiini, katimayiit nalliak alaanut angikutikhanut pivalladjutikhanik, imalu akiliuhiaruutigihunguyain naunaitkutaatilugit hapkuununa atuqyauyuni.

2. TILIURUT

Aullakhimayuq havaaminun unalu attautimiuyuunik atuukikhimayut manihakhanik, akiliktupqariaqaqtunik, unalu akiliuhiarutigihunguyain angikhimayauyukhat imalu munarittiaqtukhauyut malittiaqlugit talvuna atuqyauyunik.

2.1. Uuktuutikhat

Una maligakhaut piyuq tamainnut aullaktitauvaktunun havaamingnun naunaitkuutakhanik havakhimayunik hannaikhimavaktakhagiyait tamainnun aullaktitauvaktunun havaamingnun (ilaulugit nunalaani havaktiungitun).

Tamainnun havakti qanurinniarungnaqhiyaan qanuritungumitku imalunin "uvani aullakhuni naunaitkutatlikmik" imalu angut/angnak tikuakhimayunut tapfumuna hanaqidjutat ilangani atanguyani talvani, kihimi angut/angnak havaakhautait alaamut havakvikmun talvuna pilluaruutikhanik pidjutikhautikhanik pinnariktukhanik nalliak nuutqaqtitiihimaitumikluuniit.

Una Atuqyauyuq naunaitkuhiqhimayuq talvuuna kituliqaak katitigiyaangat angirutikhaanik ilauniaqtuq tapkuninga Nunavut Kavamatkuni.

2.2. Angirutikharnik Havaatigun Aulaqhimayuq Tingmitikut Aulahimayut Akiliktaghangitlu.

Tamna angirutiqhimayuq havaatugun tingmihimayuq tukhiqtukhaq tingmidjutikharnik akikharnik angirutiqagiikhimayukhaq hivunirmi talvani Tingminiaqtunik Angirutaani Akiliktukhimaagtangniklu Utiqitigiaqaqtunik Maningit titirangni naunaittiaqhimayukhat tingmidjutingnik aulavikhangit nallautiqhimayunik akikharnik naunaiyagiikhimayut talvuuna iluani ilauhimayut titiqani. Akhuqhairutikharnik angirutikharnik havaktunik tingmiyukharnik imaatun ilauniaqtuq:

- 1) Ministangit angirutikharnik nanminigiyanik havaktunik tingmiyukharnik akikhangitlu Kanatami.
- 2) Ministat Tuklia Atanguyayuyut akhurutikharnik angirutikhainik aulatitiyaangat nanminigiyanik havaamingnun tingmidjutikharnik, kihiani, uqautigiyakhait Ministangit titirakkut aulaniaqtainik tingmiyaangat talvuuna ikaaknikkut qilaminuaq aulaqtinamik, Ministangitlu angirutiaqaqtukhat akikhangit akiliktautinamik.

Taima unaguikhilangnaiqtunik havaamingni ilaugumi talvuuna havaamingnun tingmidjutiginaqtainik, tamna tingmidjutikhaq tukhiqtauhimayut ihivriuqtauniaqtun atiliuqtauyukharlu Ministamin. Tamna tingmidjutikhanga piqaqtukhat ilauyuharnik Tingmidjutikhat Angirutikharnik Akiliktaudjutikharnik Maningnik titirangmik, tamna Hivunirmun Tingmidjiktikhaq Angirutikhaq titiraq (pigiaqagumi) atiliuqhimayukharlu titiraq tingmidjutiginaqtaingit.

- 3) Ministam Tuklia Atanguyaq munagiyukhaq havaaminun tingmidjutikharnik akikhangitlu havaktinun talvani havakviani havaktitigiaqaqtunlu allamik havaktukharnik akhurutikharnik angirutikharnik havaaminun tingmidjutiginaqtainik akikhangitlu anmutqiamun havaktiunun. Allamik havaktikharnik akhurutikharnik naunaittiaqhimayumik piqaqtukhaq titiraqhimayukharlu.
- 4) Havaaminun tingmidjutikharnik tingminiaqtunik Ministaungitun Tuklia Ministamun Atanguyayuyuq angirutiqagiikhimayukhat, talvani Tingminiaqtunik Akhurutikharnik Angirutikhaanik Akiliktauyukharnik Maningnik titirangnik, talvanga tingminiaqtuq atanguyarnin, nunalaanilu havaktiuyunin angayukhiqluarmin havaktiqaqtukhat tingmidjutikharnik angirutikharni, tamna tingminiaqtuq atanguyangit piqangituq tingminiaqtunik angirutikharnik.
- 5) Kitumilikiak havaatigun, nunalaani ihumagiyaungituq nutqaqtitiyaangat tingmidjutikhangit piyaangat angirutikharnik, tamna angirutikhaq pigiaqaqtunik aulavikharnik talvuuna tingmidjutiginaqtainik.

- 6) Tingminiaqtun ausaimi Nunavunmin angirutiqaqtukhaq tingminiaqtuq Tuklia Ministam Atanguyarnin (havaktingitluut).
- 7) Ministat tingminiatun ausiamin Kanatamin kavamangit akiliktuniaqtainik qiniqhimayukhat Hivuliqtim angirutikharnik aulaqtinanik.
- 8) Havaamingnun tingminiaqtun ausaimin Kanatami, allanin Ministamin, angirutiqaqtukhaq talvuuna tingminiaqtunik Ministamun (havaktingitluuniit).

2.3. Manikhaakhautinut talvuna Akikhait

Imalu hannaiqhimayut tapfumani FAM 813-1, tamnalu atugakhak tapkuunanga GNkut aturniaqtun atugaliqidjutikhat maniqarvingmit-atukkiutinik humuliqaak manikharnik tingmidjutikharnik unalu hiniktarvikhangitlu.

Inmikkut akiliktakhagiyait nirdjutikhangit, hunavalungnik allaniklu akiliktayukharnik utiqtiniaqtait akiligiikhimayainik tuyugumiuk tamna Tingmidjutikharnik Angirutikhaq Akilikhimaaqtunik Titirangit, imaatun itun:

- 1) Tingmidjutikhangit hiniktaqvikhangitlu akikhangit akiliktauhimayut nanminigiyainik manikharnin talvuuna atukiutikharnin, utiqtitauniaqtun maniit nalunaitkuni titiraqhimayuq uvani Naunaitkutingni 2.4 & 2.5.
- 2) Nirdjutitait akiliktangit utiqtitauniaqtun maniit akikhatigun naunaiyagiikhimayut talvani Naunaitkutarmi A-mi, kihiani allanik tuniyauhimayunik talvani uvaniituni atuqtauyukharnik (Akiliktangit naunaitkutit pigiaqangitun).
 - a) Ubluq tamaat niryutiginiaqtainik akikhangit namaluangitkumi kituliqaak nunalaani, tamna havaamingnun tingmihimayuq uuktugiaqaqtun akikhaluanganik tamainik nirdjutigiyainik (Akiliktangit naunaitkutingnik piqaqtukhaq) Tapkuat akiliktangit naunaitkutit tunilimaigumik, tamna utiqtitiniaqtun maningnik havaktitauniaqtun nirdjutikhangit akikhangit naunaiyagiikhimayut talvani Naunaitkutarmi A-mi.
 - b) Akikhangit nirdjutikhangit ilaayukhaungitun talvani hiniktaqvigiyainik akikharni.
 - c) Akikhangit taanganik utiqtitaulimaitun manikhangit.
 - d) Taima nirdjtuikhangit piyagiikhimakpata kaimaryuarutaani ilihairutikharnikluuniit, nirdjutikharnik ikayuutikharnik utiqtilimaitun maniit tapkuninga nirdjutikharnik. Utiqtitaugiaqaqtun maniit

atuqtauhimayut taima nidjutigiainik niuviqtauvaahimagumik ikayuutikhangit naunaitkutigiainik akiliktuutikhat tuniyaugumik.

- e) Naunaiqyumirutiqaqtuq taima tingmiyukharnik nirigiaqaqtun tingmitinanik utiffaarniagumiklu aihimavingminun havakvianungluuniit nayugaini. Utiqtihimayut maniit atuqtauhimayut akiliktauyukhaungitun tingmidjutikhangit aulaniaqtunik ikaaknitigun:
- i) tingmiyukhaq nirilimaitun tupaututikharnik aihimavingmini talvuuna ikaaknitigun 06:30 unalu 08:30 ikaaknitigun;
 - ii) tuliiryuangitkumi 1qangiqtumi pigiaqaqtunik ikaaknikharnik qitiqaukpan niritnaqhigumi aihimaviani;
 - iii) kinguliungitkumik 6qangiqaqan unuigumi pigiaqaqumiklu niringnaqhikpan aihimaviani. Utiqtitauyukhat man'ngit akiliktauyukhaungitun tingmitit tikihaqturviatigun:
 - iv) ublaanuami tikihaqtuqtuq 7qangilhaaqtunik pigiaqaqtun tupautikharnik amigaqhungnaitumik;
 - v) tikinahaahimayuuq 12qangiqtinani pigiaqaqtun niritjutikhainik qitiqaukpan; unaluuniit
 - vi) tikinahaahimayut 18:30nguqtinani pigiaqaqtun niritjutikharnik niringnaqtuluni.
- 3) Allauyut ihuaqtun havaaminun tingmidjutiginiaqtun akikhangit (takulugu Naunaitkut A) utiqtigiaqaqtun man'ngit, ilauniaqtunlu ukuninga:
- a) una "Atuqtakhanullu man'ngit ikayuutigiyauyut" akiliktuqtanut talvuna akilikhimayainik hunavalungnun, inmi hivayautikhatnik, unalu alaanut mikaugaluaqhutik inmi akiliktuqhimayait uutifaakhunguyun akiliktuqhimayainik, akiliktukhanik naunaiyakhimayuni uvani Naunaitkut A, talvuuna ubluivakhimayaini aulaqtuq qanuginia - pidjutigiigumiuk aulaqtuq qanuginia avatqutkumiuk ubluik atauhirmi;
 - b) kavamat nanminiingni hivayautikukhimayunik (Akilikhimayuuq titirait pigiaqaqtuq);
 - c) nutaqqiutauyuuq akiliktuqariaqaqtunik (talvuna qanuriligangamik avatkuutpaktunik tapkuanut ihuigutivaktunik) naunairuutivaktut talvuuna aullakhuni ahinnun upautingitpakumi, imalu akikhautini hanaiqhimayunikNaunaitkut A (Akilikhimayuuq titirait pigiaqaqtuq);

- d) piulinaqtun akilikuqariaqaqtun (imaatun ituni tamayaliqiyi aqiuynun, taaksit akhaluutit, hunavalungnik) akhunaqtun ikayuutikharnik iqaiyalinikkut ayungnautiqaqun tingmiyukharnik (Akilikhimayuq titirait pigiaqaqtuq);
- e) tamayaqarvingmun avatquhimayunik puukatalik akiliktakhainik taima havaktaxangit havaamitigut ihuaqtumik kangikhidjutikharnik tuniyaugumi (Akilikhimayuq titirait pigiaqaqtuq); unalu
- f) aanuraanik uaqtauuyut - ahiatigun malrungnik (2) ublunik
havaamingni tingmiyut, unalu akikhaatigun naunaiyagiiikhimayuq Naunaitkut A (Akilikhimayuq titirait pigiaqaqtuq).
- 4) Kituliqaq havaktuvaluit aullakhuni havaaminun piunagumik iliuraqtaqhait tun'ngahuktittiniup, kihimi aulagiqaqun Malittiagumitku Atuquyauyuni uvani 811, Iliuraqtaqhait Tun'ngahuktittiniup. Tapkuat akiliqtauuyukhat talvunga iliuraqtaqhait tun'ngahuktittiniup naunaitkutaani.
- 5) Taaksingit agyaqtuutit atuinrialgit (Akilikhimayuq naunaitkutaq piqagiqangitun akhalutituguvit \$8 nalliak akiqitqiyaukpatluuniit). Talvuna atuguvit taaksikkut agyaqtuutikhatigin naunaiyattiaqhimayukhat humi pidjutikharnik nanminikharnik naunaitkumi.
- 6) Akiliktainik naunaitkutaqhimayut pigiaqaqtukhat (kihiani naunairutiqaqumik ilaulimaitun uvani atuqtauquyauyuni) naunaiyaiyaangat havaminun tingmigumik akiliktaxangit utiqtitiaangat manixangit, unalu havaminun tingmihimayut havakhimaaqtukhat naunaitumik pidjutikharnik aulayukhayut uvani atuqtaxarnik. Kihimi, ayungnautiqagumik piyaangat atuluagiyainik titiranuangit himiqtaugumikluuniit akilikhimayainik, titiraqhimayukhat talvani akiliktihimaaqtaini titirangmi. Angirutiqaqtuq havaktiuyuq atiliuqtaxangit titiraqhimayainik angirutiqagumik taima ihuaqtun akiliktangit akiliktihimaaqtunik maniit utiqtiauyukhat taima piqangitkumi akiliktainik naunaitkutingnik.
- 7) Tingmidjutigivaxhimayaingit akiliktangit utiqtitiaangat maniit atuqpaxhimayainik piyaulimaitun talvani akiliktainik aulaximayut ilauyut talvuna hiniktaqvingit, niritjutixangit, ikayuutikharniklu, hunavalungniklu ahikuurumi naunaitkutaani, angirutqagiiikhimayut havaminun tingmidjutigiyainik naunairutiqaqumik piqaqtun angirutigiyaulimaituq atiliugiaqaqtunik angirutiqaqun.
- 8) Tapkuat kavamangit nanminikharnik tingmidjutiginiaqtainik katitirumik, avaliituq akiliktainik aulanikkut katitirniaqtait taima nanmnikkut tingmigumi ilaungitkumi utiqtitauniaqtun akiliktangit akixangit.

tingmivikharnik aulaviit aulagiaqagumik ublumi
atauhirmik avatqungitumik hitamani ikaakninik.

ii. Tamaita havaktut angirutiqaqhimayut
tingmiyaangat havaatigun tingmiyut
aulayuniklu tingmidjutikhangit avatqukpani
ilaivanik ikaakninik, angirutiqaaqata
hivunikharnik pigiaqaqtunik tapfuminga
Tingmidjutait Angirutiini Utirutikhainniklu
Maningnik titiraani.

- b) Tamna pidjutikhangit uvani atuqtakharnik, aulayunik tingmiyunik
ikaaknikhangit aulaniaqtun hivunirmi atauhiq ikaaknimi
aulaqtinani tikiutigiiqumik tikitakharniklu nunalaaniluuniit
tangmaarviginiaqtaini.
- c) Havaaminun tingmiyukhat ikayurlutik “qimaktitauyukhaungitun”
ikhivautakhainik tingmitmin. Talvuuna hulilukaaligumik havaaminun
tingmiyuq inmikkut “qimaktitauyumayuq” talvanga tingmivigikhaani,
qanuritumik ikayuutikhanik tapkuat tingmitingnun ikiyukharnik
ikayuktiuyut ikayuutikhamingnik talvuna pitquuyayuum
“qimaktitinaqtunik” naunaitkutakgiikhunguyan talvuna
akikhilakruutigiyayuyangani GN akilikariaqaqtuni.
- d) Tingmiyukhat pidjutigiyaulimaitungnaqhiyuq havaaminun
tingmiyukhaq tullirniaqtunik talvuuna nanminigiyangnik atuqtakharnik.

1) Akhaluutit tapfumuna Aullakhuni Havaminun Ahinungauhimayuq:

- a) Akiliqtuiyut akhaluutikhamingnik (angitqiavyaqtumik mikyumit
akhaluut, angiktaugumi kihiani angiyumik akhaluutikhamik)
ihuatqiyaugumi, akikitqiangupluni, angiktaugumilu aturiami hivuatigut.
Kavamat akiliutait pigiaqaqumik havaamitigun aulaqhimayunun;
angitqiyauyut akiliutait naunaiqyumiqtukhauyut. Tamna havaaminun
aulaqhimayuq angigiaqangituq qulangnairutikharnik (tuluqtaugumik
aihiruqhimayut angirutikharnik - CDW) qulangnairutikharnik taima
Nunavut Kavamangit qulangnairutiqaaqtunik talvuuna
ayungnautiqagumi.
- b) Malikhautikhat atuqtakhait, nanminikkut atuqtunik akhaluutingnik
Nunavut Kavamangit atuqtakharnik ihuagiyaungitkumi. Maningnik
utiqtitaulimaitun tunilimaitun aturutaatikku nanminiaqaqtunik
akhaluutingnik havakhimaaqtunun tingmiyunik kihiani
angirutiqaaqtinanik Ministamun umingaluuniit
Tuklia Atanguyangmin, talvuunaluq malikhautikharnik
naunaitkutiqaqtinanik tapfuminga “Havaatigun Atuqtauniaqtun”
qulangnaiyautikhangit akhalutmi piqarluni. Tamna akikhautikhak
pidjutikariaqaqta tapfumanga akiliktahangit havaktiumit.



Utiqtitauniaqtunik man'ngit angirutikharnik atugianganik nanminiaqtunik akhaluutigiyainik akiliktutikhait naunaiyagiikhimayut talvani Naunaitkut A.

2) Apqutailgumi Akhaluutituqhuni Havaminun Aulaaqtuq:

- a) Aulaaqhuni Havaaminun Ahinungauhimayuq atuqhuni apqutailgumi akhaluutunik (ilauyut siikiitut, nunakuurutit haantat) mikiunik qainanik angirutiaqtukhat hivunirmi, taima akhaluutit qainatluuniit nanminiaqtunik havakvingmik atuqtitiyut nanminiaqtunikluuniit havakvingmikluuniit.
- b) Tamaita nunakuurutit hanatat hitamanik amigaituniklu kaipluarutiqaqtukhauyut. Tamna aulaaqtuq atuqtukhaq aanuraanganik angirutiaqagiikhimayunik qayangnairutikharnik halmanik uhitirumi apqutailgumi aulayunik akhaluutunik, angirutiaqtukharlu nanminikharnik puptalaarutikharnik aturhimaqtukhaq mikiunik qainarni itkumi.
- c) Maningnik utiqtitauyukharnik Nunavut Kavamanmin atugumik nanminikkut apqutailgumi akhaluutunik akiliutitaitigun naunaiyagiikhimayut talvani Naunaitkut A-mi (Akilikhimayuq titirait pigiaqaqtukhaq). Qullangnaiyautikhangit, ihuaqhaidjutingnik allaniklu nanminigiyainik akikhangit nanminiaqtunik piqaqtunik apqutailgumi akhaluutunik qainaniklu nanminigiyainik munagidjutigiyakhangit.
- d) Nanminigiyangnik akhaluutunik atugumik, naunairutingnik ihuaqtunik akilitaugiaqaqtunik ihuinaaqtaugumik qullangnairutikhagiyainik tuniyukhaq Ayungnautiaqqan Munagidjutikharnik taima aulaaqtinamik.

3) Nanminigiyaa Tingmit

Aularniaqtuq havaminun tingmiyukharnik tingmiyukhaungitun nanminiaqtunik tingmitingni, tingmitingniluuniit nanminiqangitunik laisiqangitunik naunairutiqaqtukharnik ilauyukharnik talvuuna pidjutikhatigun (takulugu atuqtakhagiyaat 815 - Tingmitingnik Akiliktauyukhat Atuqtitiyut). Havaaminun aulaaqtukhaq tingminik aqtukhaungitun tingmitingnik havaaminun aulaaqhimatiluni. Ministat unalu kituliqaak aulaaqtigiyangit havaktiit ilauyukhaungitun uvani malikhautikharnin.

2.5. Hiniktarviit

1) Havakvik Itiqtirvik:

- a) Tamna aulaaqhuni havaminun naunaiyarlugit ikikhilaarutikhangit akikhangit Nunavut Kavamanmun aturluni hiniktarviit kavamangitlu akikhilaarutikhangit akikhait titiraqhimayut talvani qakuktangni mapiraarutaani Hiniktarviit Akhaluutiniklu Atuqtitiunik Naunaitkutingni titiraqhimayut talvuuna Kavamangit Havaktiuyut pigiaqagumik. Angirutikharnik atuqtakharnik angirutiaqqtinanik inungnin angirutiaqqtukharnik havaaminun tingmiyukharnik. Nalunaitkutaa ittuq talvani <http://www.njc-cnm.gc.ca/directive/travel-voyage/s-td-dv-a3-eng.php>. Tamna havaaminun aulaqhimayuq ihumagingitkumiuk ukuat malikhautikhangit pilimaitun maningnik utiqtitauyukharnik qaanganiitunik titiraqhimayut kavamatkuni akikhilaarutikharnin akituutainik.
- b) Talvuuna ikaaknikkut avatqungitun tuani fainik (25) tatqikhiutingit ubluangit nunalaani havaktiuyut utiqtitauniaqtun man'ngit akigiluaqtainik angirutikhaqqtunik hiniktarvingmi.
- c) Talvuuna ikaaknikkut avatqungitun tuan fainik (25) ublunik, tamna havaminun aulaqhimayuq pigiaqagtun ihuatqiyauyunik hanaqidjutikharnik akiktuihimaaqtukharnik hiniktarvingnik havainikkut tatqikhiutitigun akikhaatigun.
- d) Tamna aullaqtitauyuq havaaminun inmiluak pidjutiqariaqagtait nutqaqtitilugit kituliqaak atuqtaungitun tingmidjutikharnik naunaitkutikharnik taima angirutqaqtumik piyaangat ikaaknikhangit akiligiaqagtuniklu kituliqaak akiliktauyukhat taima nutqaqtinagingutkumi qilaminuaq. Una malikhautikhangit ihumaliugiaqagtaingit hanaqidjutikhangit aulatitilimagumik havaaminun aulaqtitauhimayuq nutqaqtitiyuq tingmiyukharnik naunaitkutikharnik ihuagiyaayumiklu naunairutiaqqtukhat tuniyaugumi.

2) Nanminiqangitunik Nanminiaqqtunikluuniit Itiqtirvikhat:

- a) Tamna havaaminun tingmiyukhaq atugiaqagtun nanminiaqqtunik hiniktaqvikharnik manitlu utiqtitauniaqtun talvuuna akikhaatigun akikhaitigun naunaiyagiikhimayuq Naunaitkutmi A (Akilikhimayuq titirait pigiaqagtukhaq).
- b) Atuqtukhat allatqiinik itiqtirvikharnik, taimaitunik tupirnik akhaluutingnunlu agyaqtauvakhimayut, angiruqagiikhimayukhat utiqtitaugiangani akiliktainik akikhangit naunaiyagiikhimayut uvani Naunaitkut A (Akilikhimayuq titirait pigiaqagtukhaq).

2.6. Ataniqaqviani Havakvik Aulaqtunik

Havaaminun tingmiyukhat utiqtitauñaqtun akikhangit allatqiimik atugumik ingilradjutikharnik akikhaatigun ilauvakhimayuq taima havakhimaaqtilunik havaktakhangit talvani ataniqarvingmi nayugaini haniani. Talvuuna Nunavut Kavamangit angirutitigun, akiliktakhangit havaktauyukhat ingilradjutikharnik talvani ataniqarvingmi nayugaini haniani havaaminun aulahimayuq talvuuna malikhautikhatigun atuqtakharnik:

- a) Talvuuna taaksikhangit akungani nayugaani aihimavingminunlu humi havaktakhangit tingmiyukhaq pigiaqaqtuq havagianganik havaguirnaqhikpan avugiikhugit havaknaitiluni ikaakningit, hilaup unghiktilaangitlu ayungnautigigumitku atugianganik angut/arnaq naunaitumik atuqtakharnik talvungauyaangat algilrauyaangatluuniit havaamingni; unaluuniit
- b) ingilradjutikhangit pigiaqagumi talvuuna ihumaliurnikkut aulatitiyaangat angiyunik iniqhimayunik titiqanik, talvuunaluuniit ikaaknitigun aturniaqtun hanaqidjutikharnik aturniaqtunik ihuagiyauhimayut talvuuna atuqtakharnik.



NAUNAITKUT A

Nunavut Kavamangit utiqtitiniaqtun maningnik havaaminun aulqitauhimayunun akikhangit aulahimayunik taima angirutiqagumik havaaminun aulqhimatiluni. Tamna akikhangit nirdjutikhangit, hunavalungniklu, unghiktilaarutainik atuqtunik aulagumik tapkuninga naunaiyagiikhimayut kanatam kavamatkuni Maniliqiyiryualiqiyunik Katimayiinik. Ukuat akikhangit naunaiyagiikhimayut ihivriuqtauvakhimayut malruiqtuqhutik ukiungani naunaitauvakhimayut tautuktauyaangat, aulayukhat talvuuna Qitiqqautiyuq 1mi Tattiarnaqtuq 1mi ukiuk tamaat. Tamna Manilivingmi Havaktiuyuq talvuuna Nunavut Kavamatigun ihivriungniaqtaut aulatitilugitlu kituliqaak allanguqtiqhimayunik talvunga Nunavut Kavamanmun akikhaatitigun.

AKIKHAUTIKHANGIT (Aulapkaidjutimut – Tattiarnaqtuq 1, 2021)

Havaqiaqhutik Aullaagtut

Niridjutinik unalu Hunavalungnik Akikhangit tingmigumik aihinun talvani malikhautikharnik nayugaini:

Talvuna ubluini aullakhuni havaaminun avatquhimaitunik twenty-five gyyunik (25) tatqikhiutimi ubluinik, akikhangit akiliktauyut ataaniitun akiiktauniaqtun. Tamna havaktiuyuq tingmidjutikharnik naunaitkutaani ilangani ubluq pigiaqaqtuq ilanganik manikharnik utiqitiyaangat inungnik nirdjutikhangit hunavalungniklu akiligiaqaqtunik aulagiqagumi.

	Nunavunmi	Nunattiaq	Yukon/Alaska	Kanata/USA
Tupauttanut	\$28.25	\$24.80	\$22.90	\$21.35
Nirinnaqhikpat Ubluummaat	\$34.30	\$30.05	\$21.05	\$21.60
Nirinnaqhikpat Unnuagulihaaliqqat	\$91.35	\$64.35	\$60.65	\$53.00
Hunavalukhanut	\$17.30	\$17.30	\$17.30	\$17.30
Attatimut ubluq tamaat	\$171.20	\$136.50	\$121.90	\$113.25

Tapfumaungitumi uvani nunalingni huumi haluumakhiyuktuni ittiqtirvikni nalliak naruugiyakhaungituq igluaq imalu ititiqtirvikhamik qanuritumi pivikhaitun, qakugu aulqutukhayup naunaitkuutait hivituuyuumik hivitunia twenty-five (25) tatqikhiutimi ubluini talvani nunalingni, tamna akituuniannin manikhakhautikhamik talvuna **niridjuutikhanik** (takuluqu naunaiyaqhimayut uvani qullani uma) qanuqtunmi akikhilaaktukhayuq twenty dollars mik (\$20.00) qaffit ublut ilaiutilugit ubluit talvani avatquutpata twenty-five nik (25) tatqikhiutim ubluingitni.

Inungni Hiniktaqtut

Uvani Nunavut - \$75.00 qaffit uunuami (Akilikhimayut naunaitkutak pikariakangituq)

Hillatani Nunavut - \$50.00 qaffit uunuami (Akilikhimayut naunaitkutak pikariakangituq)



Nutaqikipqainikmun

\$45.00 ubluk atauhikmi, qaffit nutakkat (Akilikhimayuq naunaitkutak pidjutikariakaktuq)

Aanuraanik Uaqhiviat

Ahiagut malrungnik (2) ublungit malrungnik talvuna aullaqhuni havaaminun, avvatqulimaitaa pingahunik maningmik (\$3.00) ubluk atauhirmi talvuna ublumani (Akilikhimayuq naunaitkuta pidjutiqariaqaqtuq)

Aulaninga Akhaluutituqtunik

Akhaluutiliqiyut:

Tapfumuna akikhautini akiliutitaaqtuq ima maningnik ingilragumi qaffinik talvuna atukgumi nanminilik akhaluutimik uvuna angikgiakaktumi kavamat nanminilingni aullaruta ima \$0.605/km (taaksiliukhimayut ilahimayuq).

Una akkikhautikhanik piyuq attautimut aullaknikmun

uvani unalu hilatanilu Nunavut. Apquttaungitumi

Akhaluutit:

Nunavut Kavamangat Ilaugiinnariaqarnimun \$7.50

tallakharniaqtun ikaaknirmi atauhirmi aturutaatigun

(Ilakharniaqtunlu \$5.00 tallakharniaqtaat ubluq

atauhirmi ilangani ubluangani aturutaatigun)

Havakhimaaqhutik tingmihimayuq ihuarutikharnik atuqtainik \$7.50 ikaaknirmi atauhirmi aturutaatigun

Aullakhuni Havaminun Ahinnungauhimayuq Hilaryuami:

Ubluq atauhiq akikhautini hilaryuami pidjutikariakaktun naunaiyaklugit atuklugit tapquat hilaryuami manikhautigilkparaini akikhautini titiqangmungakhimayuut talvani Kavamata Kanatami Hilaryuami Attautimiuyut Katimayiit qaritauyakuruuta qunngiarviingit. Una qaritauyakuguuta quuniakviingit pidjutautaktuq Aullakhuni Ahinungauhimayuq Havaminun Manikhaakhautikhak akikhautini naunaiktauhimayut nunallaani manikhakhautikhanik tapfuma aullaktidjutikhaminik nunaani. Tamna Qaritauyakuguuta Quuniakviingit atani uma:

http://www.njc-cnmc.gc.ca/directive/app_d.php?lang=eng

Tamna himauhiutihimayun akikhautini attuqtauqariaqaqtun naunaiyalikgumitkik tapfumuna Kanaittian maniannik adjikutariigumiuk tapkuunanga Hilaryuami Attayut Katimayiit Aullaktitauyum Manikhaakhaut akikhautini tapkuunanga piyauhimayut tapkuunanga



Maniqarvianin tapkuat Kanatami. Tamna Qaritauyakuguuta Quuniakviingit atani uma:
<https://www.bankofcanada.ca/rates/>

Aullaktitauyuut Havaamingnun pidjutikariakaktun naunaitkutanik 2.3 –Manikhaakhautikhamut Akiliktukariakaktunik talvuna malikturiaqaktunik, imalu 2) a), naunaitkutaini “*imalu niriidjutikhanik manikhaakhautikhamik atuulimaitpan talvani nunalingni, tamna aullaktitauyuk pidjutigitaagtait manikhaakhautikhamik akilikuqariaqagtunik tamainun niriidjuutikhanik (Akilikhimayuq naunaitkutak pidjutiqariaqagtuq). Imalu naunaitquutat piyaullimaitpaata, akilikuqhimayunik pidjuthunguyun niriidjutinut titiraqhimayuni uvani Uiuagani A:..*